

Årsmelding Bømlo Tur- og Sogelag 2018

Til årsmøtet 28. februar 2019

Styret

Styret i Bømlo Tur- og Sogelag har i 2018 vore slik samansett:

Leiar: Bernt Emil Vika
Nestleiar: Nils Peder Holme
Kasserar: Ester Karin Barane Våge
Skrivar: Lars Inge Vestvik
Styremedlem: Ivar Barane
Styremedlem: Arvid Samdal
Vara: Signe Lønning
Vara: Gerda Larsen

Årsmøte

Årsmøte i Bømlo Tur- og Sogelag for 2018 vart halde 10.04.2018 på bygdatunet.

Styremøte

I året 2018 vart det halde 8 ordinære styremøte i Bømlo Tur- og Sogelag. Møte med alle komiteane vart gjennomført den 22.05.2018. Etter den tid har det vore to møte med turnemnda.

Vedlikehald

Bergehuset: I året 2018 har det vore utført mykje vedlikehald på smia på Berge, både utvendig og innvendig. Bordkledningen utvendig og platene på taket er mala. Grua innvendig er fliselagt med eldfaste fliser. Ein vil laga grua til slik at den kan fungera som ei æse.

Saga: I 2018 har saga ved Vorlandsvågen vore prioritert. Ein stor dugnadsgjeng har arbeidd der store deler av året. Taket var lekk, og er erstatta med delvis nytt sutak, papp, lekter, reker og panner. Ny sagbenk er montert. Eit lite vannreservoar ovanfor saga er restaurert med luker for å styra vatnet i bekken eller i slåket. Arbeid som gjenstår er å ferdigstilla slåket. Ein tar sikte på å få saga i drift i løpet av 2019. Bømlo Maskin v/Lars Lønning har utan vederlag hjelpt til med frakt av utstyr til saga med flåten sin. Etter avtale med eigar av saga, Einar Vorland, har Bømlo Tur- og Sogelag fått tinglyst bruksrett til saga. Tinglysinga er datert 29.05.2018.

Den 02.07. - 03.07.2018 hadde Bømlo Tur- og Sogelag besøk av dagleg leiar Tor Anders Bekken Martinsen og styreleiar Mikal Heldal i Landslaget for lokalhistorie. Dei kom for å sjå på saga og for å hjelpa oss med å søkja om midlar frå Kulturminnefondet.

Karinestova: Ein lekkasje i taket vart reparert. Ei av dei store hellene hadde sige litt ned, men er no løfta opp att.

Ådnahytta: Sett opp ei to etasjars seng, her kan ein no overnatta. Treng å ta med sovepose og liggeunderlag. Sett inn ein dobbel kokeplate. Teppe på golv i kjøkkenet fjerna. Ei side på hytta er mala utvendig i år.

Alle husa med låst utedør har fått nøkkelboks.

Arrangement

Tradisjonen tru vart skjærtorsdag på Berge arrangert også i år. Sal av pølser i brød, vaflar og kaffi. Gratis saft. Utlodding. 101 personar deltok. Veret var bra, men det var svært vått i turløypa. Haugesund Sparebank vart profilert med reklame.

Bømlo frivilligsentral var på omvising på Fridtun 23.03.2018. Bernt Emil Vika fortalde om huset.

Hausten 2018 brukte mellomtrinnet nokre av husa til undervisning. Dette gjaldt Karinestova, Hilleborgstova og Fridtun. Veldig fint at husa blir brukte på denne måten. Bernt Emil Vika var med på Fridtun med to grupper og fortalde om huset.

På kystsogedagen 25.08.2018 var sogelaget representert med stand. Her selde me Leidarsteidn. Haugesund Sparebank vart profilert med reklame.

Haustfesten 3. november kalla me "Tørrfiskaften". Omlag 45 personar deltok. Knut Vika underheldt med opplesing og visesong. Det vart servert tørrfisk, poteter, bacon og ertesting, kaffi og kringle. Jostein Sørtveit spelte til dans. Haugesund Sparebank vart profilert med reklame.

Bømlo Frivilligsentral leigde Bergehuset den 11.11.2018. Kr. 400 i leige.

Turstiane

Nokre av turstiane til Bømlo Tur- og Sogelag er dårleg merka. Turgruppa har difor starta eit arbeid med å skilta etter Turistforeningen sin standard, setja opp infotavler og merka stiane. Dei starta òg arbeidet med å henta inn løyve frå grunneigarane. Den første stien dei starta med var Eide - Roaldsfjorden - Sætre - Løvegapet.

Den 19.10.2018 arrangerte Bømlo Turlag tur til Vestre Vika og Melkevik. Bernt Emil Vika var guide på turen.

Utstilling

Bømlo omsorgstun hadde i oktober/november ei utstilling der temaet var skule. I samband med denne fekk dei låna to pultar, gamle skulebøker og anna skuleutstyr frå Fridtun.

Leidarsteidn

Årsheftet Leidarsteidn var klar for sal på julemessa 17.11.2018. Haugesund Sparebank vart profilert med reklame. Salet av Leidarsteidn gjennom året gjekk svært bra, med om lag 650 selde eksemplar.

Gåver

Eit fat frå Signe Strand Hope. Plassert på Fridtun

Ein gammal garnbuss frå Lars Inge Vestvik. Plassert på Fridtun.

Ein livbøye frå "Sleipner" gitt av Lauritz Eidesvik jr. Plassert på Fridtun.

Ein del bøker frå dødsbuet til Bjarne Sørenes på Holme. Plassert på Fridtun.

Ein del gamle landbruksting frå Arne Martin Anddal. Plassert på Fridtun.

Ein koppar-kjele med trelokk frå Jan Tore Vespestad. Plassert på Berge.

Pengegaver:

Frå Bømlo kommune: kr. 5.000 til arrangementet Skjærtorsdag på Berge.

Frå Stiftelsen Simon Eidesviks minne: kr. 10.000 til saga ved Vorlandsvågen.

Frå Eidesvik havfiske: kr. 10.000 til Karinestova.

Frå Haugesund sparebank: kr. 20.000 til Karinestova.

Frå Hordaland fylkeskommune: kr. 50.000 til skilting og infotavler på turstien Eide - Roaldsfjorden - Sætre - Løvegapet.

Studietur

Den 06.05.2018 drog Nils Peder Holme, Arvid Samdal, Svein Eide og Bernt Emil Vika på studietur til Suldal. Målet for turen var sagene og kvernhusa på Hustveit og i Kvednahola.

Representasjon

Knut og Wenche Hegle deltok på Hordaland Sogelag sitt årsmøte på Voss 07. - 08.04.2018.

Nils Peder Holme og Bernt Emil Vika deltok på kurs om årbokskrivning i regi av Hordaland sogelag i Bergen 24.02.2018.

Bernt Emil Vika deltok på kurs på Espevær skule den 22.03.2018 om QR-merking av hus og gjenstandar.

Bømlo, 04.02.2019

Lars Inge Vestvik
(sign.)